

靈巖山人詩集

靈巖山人詩集目錄

第二十三卷 古今體詩

崆峒山房集

屠維赤奮若

後梅花十首

並序

寄友

王叔明夏山欲雨圖

坐桐花下偶作

寄逸園主人程自山

分水嶺

超然書院歌

題宋陳所翁畫龍

古意

小園三首

栽柏

支枕

卷簾

杏花亭三首

卽事

每夜

哭先室汪夫人三十二首

有序

靈巖山人詩集卷二十三

鎮洋畢沅秋帆

一字縝蘅

崆峒山房集

屠維赤奮若

後梅花十首

並序

隴頭無梅唐詩用驛使寄梅事此風人誕詞耳余早  
歲讀書靈巖山中與吳下同社諸子賦梅花詩十章  
歸愚先生許爲于暗香疎影外別開面目能爲此花  
寫真薄游廿載小住金城浩蕩關河素心契濶欲折  
瓊花一枝寄贈不可得也思江上故人而不見則思  
江上梅花因成長律亦如前數題曰後梅花恨先生

已歸道山無由一証此中得失耳

不斷青山不了緣  
寒葩萬樹得春先  
香霏煙外敲鐘寺  
根繫湖邊載鶴船  
對我良朋情脈脈  
感時靜女態娟娟  
平生怕作繁華夢  
手折瓊枝意惘然

三弄音傳綠綺琴  
山人爲爾入山深  
有生孤注成高節  
無意相逢愜素襟  
妙處不關香色味  
悟時已徹去來心  
十年空谷雲蹤杳  
薄靄輕煙寫一林

暮歷春陰暝色蒼  
湖光花氣渾空茫  
月生書幌橫枝瘦  
僧定禪鐙照影荒  
晚晚情懷風雪院  
蕭蕭寒節候水雲  
鄉人間凡豔消除盡  
貞骨誰憐抵死香

空濛閒遍向南枝  
紙帳衾寒睡起遲  
惟我一生成獨往  
勾

人千種起相思呼童掃雪烹茶後對客彈碁寫韻時如此  
清風原共見何須傲世畏人知

天生真色學難真憑藉孤芳綯好春蕩滌文章無穢俗胚  
胎元素有靈神偶逢一樹還思舊纔放三分便斬新香國  
清盟寒未久江頭應戀未歸人

定山鼻觀斷塵聞曾與寒花誓不分吟冷騷蕭雙鬢雪雨  
昏狼藉一溪雲獨清早歲應慚我偕隱他年定許君結賞  
本無諧俗願平章枉費展慙慙

憑仗東皇玉汝成孤生獨爾占清名羲皇世上論標格夷  
惠花間共性情十里荒墟斜照遠一宵香夢小庭橫江南  
或有懷人者隴首春風數幾程

梨雲片片著天黏無賴餘寒風力鉅千萬朶開仍寂寞兩  
三枝亞亦清嚴苦吟爲爾移情立妙悟從予帶笑拈果是  
他生修得到孤棕只合寄青崦

窈窕山村帶水村寒林漠漠濕無痕魚簪香杳潮平岸樵  
斧人歸月到門許彼高僧施梵供賺他名士斷吟魂劇憐  
瘦削清如許地老天荒慘不溫

記得鄉園景正韶蕭齋簾捲坐清宵愛而不見心如結對  
卻忘言意也消萬里玉門春淡淡一江香水恨迢迢五湖  
雙槩伊人遠愁絕繁枝照寂寥

寄友

君構石湖宅我開硯山亭君家湖上雲來我林間停雲林

共一色簾幕常青青微風偶披拂紅日光瓏玲君每抱琴  
來爲君沽醪醢一斗亦徑醉累日不復醒自從與君別音  
問久隔絕前年乞假歸訪君上元節悵悵不逢君柴門掩  
殘雪玉梅雙樹花冷香吹不散室邇人偏遙對花心蘊結  
旋卽宦岷州殘春向隴頭去君三千里關河益阻修獨處  
西羌地攢天巒嶂稠如何不思君思君上高樓高樓不見  
君白雲空悠悠欲作書寄君君今客何處他鄉雖云樂不  
如早歸去江南二三月綠波明浦嶼燕飛鶯亂啼雜花生  
滿樹酒旗負郭樓燈舫橫塘路仙乎復仙乎君無似我誤  
我苦拘一官孤負湖山趣昨宵夢偕君仍在山間住亭林  
菴畫中停雲尙如故花葉坐題詩覺猶記一句



王叔明夏山欲雨圖

浦溼帶葭莢夏木圍山莊嬾雲飛不起雨催梅子黃板橋  
一人行破繖迎風張昏昏煙嶺樹漠漠水田秧蓑笠垂釣  
翁隔谿泊野航浩渺漲流急逶迤沙尾長白鷗爾何猜將  
集復又翔披圖涉遐想宛似蓴鱸鄉

坐桐花下偶作

亭前一株桐春盡花始吐幽芬流碧空蛺蝶來無數我移  
竹榻亭間住旦晚褰帷對佳樹綠玉瓏璚韻細風芳蕤  
飜凝清露因憶家園手植桐亭亭偃蓋撐青空三弄草堂  
擬三島清陰四圍排天風童時攤書讀其下紅暹欲入苦  
無罇涼颺掩動翠雲流百尺寒泉屋頭瀉花舒豔不禁瓏

璨粦黃金年來門掩無人到晴粉堆廊一寸深

寄逸園主人程自山

萬頃水雲空蒼茫信不通老無經世意閒有課花功鬢影  
殘秋外簫聲淺夢中飛鴻呼侶急叫破洞庭東

分水嶺

清流一氣出盈科當道難堪嶺腳多蓄意從中來作梗令  
渠兩地各奔波

盤踞中央峽角敞上游難據且分馳臨歧不用多嗚咽但  
到朝宗是合時

超然書院歌

洮流清駛雲濶展講堂高壓東山巒摩挲翠碣認年月前

明楊公椒山始創建先生抗疏批逆鱗詔獄拜杖九死瀕  
死而不死謫荒縣朝衣碧血紛璘彬洮陽治鄰番徼俗人  
習戰爭不知讀未僚俸錢餘幾何捐出買田還置屋鼓篋  
橫經三百年單寒久久蒙其福洮河之石製作硯硯石曾  
見先生面毒焰熏天烈骨香騎箕披髮訴穹闕表忠遺廟  
蒸嘗遠典學風流惠澤長偉人作事類如此後官此者應  
羞死人文培養費經營乃出區區一典史

題宋陳所翁畫龍

空堂晝捲銀濤飛淋漓墨瀋雙龍肥一髯半爪雲霧晦下  
拔巨柳大十圍偶然曠首六合窄九天雲垂海側立我來  
遠矚不敢近心恐其中有霹靂童年渡海親見之懸帆乍

逢龍挂時驚濤拍天魂墮地送我直薄樽桑枝恍兮雪壁  
怒潮掣飄忽天風旋起滅真龍假龍兩奇絕驚看未易分  
優劣乾坤開泰景昭融潛躍無端付太空龍兮龍兮我告  
汝作霖雨慶年屢豐神物首見尾不見盡在雲雷變化中

上有乾坤  
開泰四字

### 古意

小艇向蓮塘風柔日杲杲爲郎采芙蓉郎卻不云好持篙  
弄浮萍知郎意潦草

### 小園三首

數卷他山石玲瓏且犖嶮半牆高居然衆峯擢具體  
學孤雲真形寫五嶽雖無泉清冷已覺境悠邈輕風來徐

徐幽鳥下數數會待春雨後莓苔綠厓角招友試新茶竹  
鑪燒筍殼

石池小橋西隙地廢無用閒來課奚童雜卉移苗種儻得  
有花開亦可作清供勞策不嫌多彌補雲根空既可添野  
趣並堪涼鶴夢連朝過微雨土融生意動一團繡墩草勃  
勃綠先弄

嫋嫋數竿竹森森百尺梧清風吹不斷白雲時有無盤石  
大于席橫向綠陰鋪左置琴一張右爇香一鑪州僻放衙  
早獨來還獨娛有時觸吟興枯坐窮追摹旁觀竊相謂一  
幅迂倪圖

栽柏

園角風摧矮柏敲栽培因令僕夫移雖然幽翠無奇特他  
日凌霄未可知

支枕

山城春欲闌松影一窻碧花茵斑竹牀支枕有餘適醒是  
羲皇人夢亦游仙客

卷簾

衙齋春晝永閒試紅絲硯湘簾搭銀鈎飛入營巢燕無端  
觸膽瓶滿案落花片

杏花亭二首

日日公餘日未曛小園來看遠山雲吏人欲見無須問但  
覓花亭有使君

小園春深石徑斜長廊西轉畫闌遮庭空吹滿香雲片懶  
問當年及第花

卽事

一磴嵌空一樹敲露根恰與坐相宜鶴逢月上先離立知  
讓主人來賦詩

每夜

山童竊笑太無端每夜攤書燭屢殘不省銀蟾升漸晚限  
時陰轉石欄杆

哭先室汪夫人詩二十二首

有序

夫人姓汪氏名德一名得字清芬世居吳郡先外舅  
禱嗣黃山夢神以綠衣女子畀之是生夫人年二十

歸予子早歲浪游京華門祚單薄兩弟幼穉家業中  
落生計且不支夫人性恭謹知書而有才識事太夫  
人至孝必誠必敬所以仰體親心者無不至迨予官  
中翰直機庭庚辰及第授職修撰夫人奉事太夫人  
不忍遠離膝下經營家政婦代子職者垂十年癸未  
夏始攜子椿北上小住春明間關度隴已丑四月產  
後邁危疾不治卒于蘭山官舍嗚呼天乎命乎以二  
十年相依共命之人忽焉永訣金城月冷總帳風淒  
闕淑質於重泉隔慈幃於萬里追想涕零傷心曷極  
昔安仁傷逝之文元相悼亡之什古之賢達尙難忘  
情矧予多愁豈能默默聊成長律以寫悲悰發乎情



未必能止乎理義也夫人平生槩槩具詳小傳中茲  
畧述一二云

瑤枝摧折落花風蒿里簫傳鳳閣中逝水年華春冉冉轉  
輪世界夢匆匆傷心往事從頭說次骨相思到底空廿載  
恩情成幻影枉將長恨訴天公

西風鵲鳩渺愁予仗爾高堂侍起居護草色凌冬閣暖梅  
花香霽夜窻虛辛勤消受惟荆布甘旨經營到菜菹記得  
問安簾下立白頭雙鬢爲親梳

丁年家運值艱危零落生存祇自悲失怙兩心同耿耿人

三歲喪父先大思親雙淚獨垂垂重閨寂寞傷朝露百事

紛紜抵亂絲余授室後次年先大父棄世不是持家有新婦黔婁生計

恐難支

金閨亭子隔婁江每爲歸寧泛小艤

外姑沈太恭人只生夫人每歲一再問省

綰袖幾曾離月地畫眉多半在船窗春風蘅杜吹衣影秋

水芙蓉寫面龐本是吳淞舊鴛侶任他來去總雙雙

蓬心萍影總依稀如葉身隨朔鴈飛入洛陸機年最少登

樓王粲計真非新婚判得三秋別浪跡空邀一第歸

辛未冬入

都王申下第俄舅氏寶田先生于保陽次年癸酉領鄉薦歸

只道定諧偕老願當初容

易拂征衣

重回蘭漿泊姑蘇喜我歸來惜我癯行跡憐同驢轉磨苦

心愁叶鳳將雛

乙亥七月春兒生九月再北上

銀鐙翠幙神離合珠箔紅

樓夢有無從此江臯分手處萬重雲樹又模糊

羽書旁午漠亭西視草年年濕紫泥游子有衣煩候鴈書

生無命問腰犀

補官中書入直機地值西北用兵屢欲從軍不果

玉堂晝永花甌

迴角枕宵長紙帳低官扇鳳翎明月樣秋風珍重寄山妻

時以

御賜官扇一柄寄歸

同居諸娣耦無猜珠桂全家賴主裁兒竟遠游緣婦孝妹  
嘗相倚爲甥孩口銜石闕憑誰說心比車輪逐日摧嫁娶  
事完衣釧盡幾曾奩篋剩私財

馬蹄得得逐香塵知是深閨夢裏身繡闥頻頻聽鏡卜江

關早有問潮人

吳中舊有潮到維亭出狀元之謠已卯秋潮適過之夫人致書相告庚辰子果及第

空傳樂府刀鐙恨又轉京華斗柄春寄語桃花新漲滿雲

艇應泊潞河漚

癸未五月夫人偕余妹甥及椿兒北上

石虎街南廣厦分

時寓大司空裴叔度前輩第

團團小語趁斜曛爲嫌

紡織拋湘管怕著絲羅愛縞裙曷續金羊輝彩筆心灰寶  
鴨篆香雲重城風雪雙扉掩不是繙書卽對君

借隱襟期仔細論一心能保百年恩金釵慣典緣償負玉

指親調每勸飧繡佛樓頭聽夜雨弄兒花底借春溫于今

得石軒前路猶印蒼苔屐齒痕

十月移居宣武門外聽雨樓樓後小軒爲湯西崖先

生書額顏曰得石

敗名最我凜懷安報國寧憂家食難延客何妨清俸薄

時與

諸名士常結詩社多集子寓齋

校書生怕敝裘寒聯吟視北詩千首閒話

江南花一闌冷况似水人似玉相依恰稱女兒官

明人謂翰林爲

官女兒

詔點春坊供奉班

丙戌春由修撰五遷至庶子

星霜五易滯燕關孟光

姓字人爭說張敞風情老未慳除到死期方是別最耽禪

悅只尋閑玉鈎銀押書床近愛倚秋窗看遠山

祥和性格本天然愛結人間懽喜緣拈線慣遲宵課後試

粧常及早朝先珉梁燕壘雙棲穩玉笛龍沙一曲傳

丁亥十月

外轉夢繞隴頭鳴咽水離愁早已滿金天

一載蘭山駐彩旂

行抵蘭州制府吳雨亭先生畱綜新疆經費局事挈眷屬寓省中

那知

骨肉眼前地六千里外夫妻別四十年來生死交人世幾

迴尋鹿夢仙家何處覓鸞膠可憐淚濺金城地不放春風

度柳梢

生子欣看比鳳毛錦綉捧出示親曹五更一病嗟何及白

日青天慘不高執手尙愁家未立吞聲頻說命難逃淒涼  
湯餅虛嘉會指點常羞到脯桃

盡室蒼黃喚奈何靈丹無計訪延和欲言還咽惟憐我已  
絕重蘇忍泥他幻境是真多不解戲言成讖總非訛六如

妙諦生前證花雨諸天散曼陀

夫人事佛虔謹彌留時猶誦大士咒也

江頭親送七香車母弟牽情望眼賒

內弟立山篤友于誼夫人病中猶冀其來

兩地關河傷白髮九秋風雨泣黃花珠沈寶魄難歸掌楓

冷芳魂定到家剪紙小招營奠別幾回鬢影墮窗紗

花冠霞帔逗雲輶重證三生叩杳冥天降玉棺先人夢未

十日前子夢一玉棺陳中堂

妖生明鏡漸通靈

秦鏡一枚夫人失手墮地破之

只應仙

籍同茅許

余少時請乩仙呼余爲步虛子

怕向人間結尹邢蓬島他年如

有約瑤笙雙引鳳凰翎

空瞻遺挂憶聲音慟絕人亡碎玉琴細雨涼生多病骨孤  
燈愁照下泉心稠桑路杳書難到魚嶺衫淪恨轉沈信誓  
死生堅旦旦殷勤何必展同衾

傷神奉倩病懨懨萬里臨洮久滯淹塵界浮生同野馬秋  
霄並命妬雲鵲新愁嶽色河聲遠遺恨男婚女嫁兼漆管  
乍拈編繳行却禁珠淚落霜縑

歸田囑我語喃喃對月鋤憐獨自芟花巷在勞規夏屋

居于蘇州城中百花巷

錦溪何日掛春帆他生誓已鐫金合同穴人

應待碧巉依約琴臺攜手處墓門松影傍靈巖

予營生曠在靈巖山

麓擬遣椿兒扶櫬南歸安葬

靈巖山人詩集目錄

第二十四卷 古今體詩

崆峒山房集

靜夜怨二首

七夕有感

連夕車中夢內子作

庭前叢菊盛開感賦二絕

中秋對月二首

四十生朝自述三首

冬至

不寐



寒窗暑短悶坐無聊偶學九龍山人筆意寫墨

梅小幅題詩其上

除夕寫懷示竺莊

屠維赤奮若

樵人三章

隴頭水

隴頭月

春柳四首

花朝詞

過烏鼠同穴山

清明日行洮陽道中作歌二首

赤亭

秦安寓館

唐權文公墓

憂旱三首

朱圉山

仇池

哀愚民效白傅體

山行雜詩十二首

九日宿同谷二首

飛龍峽杜工部草堂四首

野廟

姜伯約墓

萬年藤杖引

南山寺雙柏行

有亭

陸叔平寫生花卉十首

碧桃

山茶

素心蘭

杜鵑

白荷花

牽牛

老少年

秋海棠

芙蓉

水仙

天池

登鹿玉山抵師子洞窺玉井歸紀以詩

玉壘關

大雨夜度廣吳坡山行險絕抵落門聚憩宿

靈巖山人詩集卷二十四

鎮洋畢沅秋帆

一字  
纓衡

崆峒山房集

靜夜怨二首

萬古一明月照我今夕愁  
碧海斷波瀾傾成雙淚流  
盈盈十五夜蟾影漾虛寥  
怕看十分滿圓不到明宵

七夕有感

燭冷銀屏掩綺寮  
空堂四壁胷蟪蛄  
僊凡悵望長終古  
生死關情重此宵  
微月有波秋澹澹  
新涼無夢夜迢迢  
明河卽是重泉路  
天上人間總寂寥

連夕車中夢內子作

喜極翻嗚咽驚看涕一揮  
亂雲迷履跡殘月照容輝  
腹痛車輪轉心知泡影非  
莫愁余負負生死總相依

庭前叢菊盛開感賦二絕

洋種分來植瓦盆幾枝爛漫對黃昏  
晚涼陣陣經秋雨一夕花光滿淚痕

霜光滿院惜虺隤晚晚風心夕夕摧  
我恨寒花太情薄一叢依舊向秋開

中秋對月二首

皎景無邊一色新舉頭顧兔走踈踈  
忍看天上重圓月長照人間失偶人  
水調殘歌傳舊譜鍾陵小謫記前因  
夜臺此夕清光共應惜秋衾獨病身

心折刀頭嘆轉蓬一輪冉冉畫樓東  
境鄰寂寞偏吟鬼魄落高寒  
最怯風銀鏡影消蟬鬢冷玉簫聲斷  
鶴幢空嬌娥莫漫傳清怨心事分明爾我同

四十生朝自述三首

吾家老宗系本是新安分一遷玉峯麓再遷婁江滸世德漸凌替繼葉顛弗振空存傳家笏易代貽子孫

家藏象笏二條先代所貽

高曾事業盡爲庶爲清門大父嗜經籍晚歲貢成均中復業計然辛苦儕齊民經營五十載家計幸苟完夙存利濟念誓將古處敦麥舟不惜助債券隨時焚生爲給衣食死爲營棺墳散財不望報澤物寧肥身仁風扇桑梓鄉里稱善人中年育我父門衰丁又單哀哀孤生兒我父旋棄捐

大父攜孤兒同浴共被眠寶護比珠玉愛養如心肝下筆  
爲文章一見便喜歡其年七十七疾入膏肓間涕泣跪牀  
下從容授遺言吾宗大衰頹屬望惟汝焉汝父早棄世汝  
母幸淑賢汝婦能持家汝弟行隨肩學書復學劍不若守  
一編余少好游俠先大父每禁飭之少歲不自拔遲暮徒傷憐他年汝獲第泉  
下應開顏叩頭敬弗忘駑駘力加鞭廬墓開故篋雪案撫  
遺牋恭儀母氏命刺股垂三年三年釋持重騎驢走幽燕  
前輩老宗匠倒屣尤勲拳謬許慘綠人末座厠吟壇遂登  
政事堂遂躋侍從班螭頭忝簪筆

天語親承溫圭璋愧特達監郡來階秦羗民紛雜還凋敝  
資撫循官人疎惠澤節鉞空嶙峋上恐負我君下恐負我



親雙丸恣跳擲四十嗟無聞念之心煩鬱晨夕起長歎  
烏烏林中禽飲啄抱微質懷此返哺私飛鳴不能歇日夜  
聞烏嘯欲言淚先咽念母生我時朝夕不離膝丁年遭艱  
屯門祚竟兀跪哀哉先君子中道遽奄忽諸孤在後單禋  
祀半存歿我母生名門弱齡解吟雪青鐙掩靈幃麻衣理  
卷帙口授三百篇黥墨漬淚血曰爾祖爾父愴焉齋志卒  
汝曹弗讀書何以慰繼述十年茹荼苦廿年柏舟節同胞  
三弟兄一一皆授室沉也藉寵靈撫仕依

禁闔手書寄目下官箴細書列戒以滿招損勗以名副實  
丁亥補外初烏私念明發一麾六千里暫假五十日上堂  
拜我母母心大歡悅母心大歡悅兒子大愁結昔去尙丹

顏今來半白髮精神非往年疾病有時節扶杖繞階行單  
衣見出骨迢迢車馬程負緣山嶽岳迎養母力勞棄官母  
心怫母曰兒去去勿復重言說內外各有程君親本無別  
苟能盡所事身致力亦竭雞鳴下堂行彳亍久未出西來  
古金城兩聽喚鵲聲魂夢繞高堂依戀雜恍惚茲當母難  
辰忽忽如有失白雲隔晨昏歲月去飄瞥兒年已四十母  
年六十一去日旣苦多來日安可必采蘭違色養不如反  
集苑逝將返故鄉將母計已決隴水濺濺流思親但愁絕  
見大母力衰兒官母養缺

秋宵不成寐攬衣起徬徨哀我泉下人嘆逝行自傷當年  
結絲蘿各各二十強年庚自相對門戶自相當上堂拜大

父入室參姑嫜共說新婦好婉變揚芬芳朱絃譜瑤琴彈  
出雙鳳凰百年更萬里久久共翱翔人事有乖違離合不  
可常金門滯游跡燕吳路阻長承歡婦兼子日夕在母傍  
慮我資斧竭遠道斂環將囑我寒暑慎先秋寄衣裳辛夏  
始北上我官晉宮坊經營苜蓿盤內政資匡襄彈指二十  
霜甘苦實共嘗浮萍乏根柢大海吹茫茫挈家度隴坂盡  
室行蒼黃那知一年間門庭判滄桑哀哀鬼夜哭骨肉痛  
死亡一病竟弗瘳幼子旋天塲執手悲永訣含淚聲琅琅  
勸我早歸耕兩親鬢髮蒼回頭顧大兒兒今始無娘嬌癡  
年十五事事須周防娘今捨兒去如刀割胸腸西風吹素  
幃殯棺在中堂羅衣閉塵篋角枕橫空牀夙昔同衾人生

死共一房荏苒變節序霜露感新涼眼枯涕淚盡骨瘦形  
神尪竭來好親友看榼羅篋篋謂予覽揆辰酌酒進一觴  
再拜謝諸君高誼弗敢忘早年痛失父中年悼妻喪搔首  
問蒼昊曷予罹百殃月夕雨昏昏舉頭天荒荒壁碎不復  
完琴斷不復張我生縱有涯焉能學蒙莊麤酬家國事逝  
欲皈空王

冬至

短至日又至曰歸未有期錦衾傷獨旦風雪正淒其寒極  
社憑酒愁深遣仗詩遙憐梅信近無夢繞南枝

不寐

燭燼吹無焰蘭衾輾轉頻庭涼風嘯鬼窗近月窺人泡影

分存歿愁懷失曉晨中宵縈百感大覺恐非真

寒窻晷短悶坐無聊偶學九龍山人筆意寫墨梅  
小幅題詩其上

五湖孤負梅花早陸海飄零偏草草無計能回造化功東  
風常在花常好隴首無梅日憶梅水邊林下夢裴回空山  
本性存孤潔肯教移根雁磧栽雪閣濡豪寫驚素幽芳冷  
豔溪雲泣玉叉挑向壁間懸風來便有寒香度鄉園手植  
玉梅時翠袖憑闌共詠詩畫圖想象冰魂杳挂月雲窻一  
兩枝

除夕寫懷示竺莊

殘臘風光逼真寒鐙愁對冷吟身錦衾獨客添憔悴紙

帳殘宵共苦辛我自傷心人自樂境成陳迹歲成新紅鑪  
燒燼松明火關塞泉臺雨不春

屠維赤奮若

樵人三章

青壁萬仞微聞斧聲人蹤鳥影渺茫飛騰狴犴爲虎子  
爲兄吁嗟乎樵人

心無阻深足無險艱笑彼世人兮指予爲爛柯之仙衣之  
食之惟一斧弗閒吁嗟乎樵人

木葉脫矣霜露溥矣拾橡拾薪惟予樵之歡兮今夕得柴  
明朝換錢日暮空山行歌而還吁嗟乎樵人

隴頭水

隴頭水東西流行人聽之愁復愁愁復愁淚雙落西風吹  
游子關塞獨飄泊隴坂高崔巍隴水流潺湲鶯花三月二  
月間朝朝暮暮聞嘯鵑肝腸斷絕迴望秦川秦川非遠蜀  
道非難遠莫遠兮江上之青山上有蒼浪天下有清泠泉  
浮雲終日往復還思親不來花草寒蕭蕭白髮愁親顏隴  
頭水摧心肝

隴頭月

隴頭月照離別只照生離不照死別夜臺一閉萬古絕月  
光寒徹征夫骨我願地下有情人不見天上無情月月無  
情黃蒿古城秋夜明孤鴻絕叫天冥冥隴頭流水多死聲  
月無情人有情惟願天上月鑒此區區誠感予幽獨慰彼

孤靈併光全耀入海底散作地下長明鐙

春柳四首

深費東皇點染工千條萬葉翠搖空垂垂涼露離離月裏  
裊輕煙側側風樓閣碧窗青影裏鞦韆紅索綠陰中不知  
致竟緣何事恨眼愁睂處處同

征帆一片挂江潭怕聽陽關疊到三輕暖輕寒春若此多  
離多別爾何堪麝篝衣色分新綠鸞鏡睂痕借淺藍試問  
章臺停馬處有人攀折可能甘

羽葆門前尙未收折腰纔了又低頭送迎當道真無謂眠  
起終朝不自由姓字播聞因樂府顛狂贏得是風流可知  
故里橫塘外翠幄如煙映酒樓



十五吳姬裊細腰。新詞倚笛未全調。鴛鴦燕燕來還去。雨雨風風暮復朝。伴我曾臨青瑣闥。盼誰猶傍赤欄橋。旁人莫比閒桃李。一點春星在絳霄。

花朝詞

玉關二月春無迹。好花不到黃沙磧。繁華轉眼夢全非。落莫夏時真可惜。少年選勝冶游狂。白袷衫輕泥衆香。鬪草嬉春傳繡閣。前裙後襖記銀塘。說著花朝尤旖旎。金盞傾倒繁枝下。紅雨簾櫳玳瑁筵。綠楊庭院葳蕤瑣。鬻蠶撲蝶舊聞傳。何處芳菲不可憐。燕市酒榼關塞月。花期孤負又今年。年前客走洮陽道。隴頭踏遍傷心草。玉樹凋殘春雨中。生香連理枝難保。人琴痛絕涕沾袍。小句冬郎恨寂寥。

每到百花生日日未曾淒斷似今朝

韓偓句

去年此日巡春

去臨風握手丁寧語雲箋半幅報平安雪版長途慎居處  
杏梁零落燕泥空無那東風怨落紅花開花謝腸堪斷便  
是無花也惱公

過鳥鼠同穴山

清渭源有三僻在雪峯後涓涓始濫觴淳泓小于白出山  
曲折流盈科漸東走巨嶺障落日百盤絕磴陡山中產鳥  
鼠同穴自相偶讀書至禹貢蓄疑時已久今來暫停驂爰  
咨荷鋤叟叟云少見怪掘地處處有呼童搜草根穴居測  
昏黥深藏似服氣配合認牝牡二物不同類一飛而一走  
默感氣遂通其理實難究格致上聖功疑陣待發葩始知

天下事未可常理狃  
暝色催歸牧勒馬重迴首  
瑟瑟空山秋斜月掛疎柳

清明日行洮陽道中作歌二首

紙錢窳率淒風吹老鴉  
啄肉牛礪碑兒唬野拜婦哭隨哀  
哀欲訴重泉知我來驅車適過之  
悲酸填臆淚交頤  
先人捨我髫髮垂奄忽廿載駒影馳  
老屋權厝婁江濬封植馬鬣猶無期  
簡書萬里走隴坻前森畫戟後纛旗  
長吏負勞候路岐  
謹呼童叟掀簾窺空憐此日多羽儀  
我祖我父顧復私淚痕不到冬  
青枝雨冷花稀春欲暮  
寒潮鳴咽吳淞渡尋常百姓多哀慕  
麥飯年年到墳墓

去年清明寧遠道荒墟野哭傷我抱  
今年清明洮河邊不

聞哭聲先泣然我妻嫁我二十年持家奉母孝且賢好花  
愁剌春風顛香棕吹散成雲煙寶釵珠鬢想像間之子不  
見悲腸牽孤兒失母伴我眠聞我出門哭柩前風光乍值  
上冢天鬼與鬼馬滿壟阡吞聲飲泣慘不歡淚滴隴水流  
潺湲官舍蘭山路尺咫影堂月上纔燒紙嗟我早衰非壯  
齒嗚呼死者長已矣

### 赤亭

連村負郭帶林垌勝地相傳古赤亭最愛夕陽山色好盤  
雲螺髻數堆青

### 秦安寓館

明月不到地清光落樹梢亭林約秋色冰簾蕩清寥黃葉

卷涼雲陣陣吹無聊候蛩嘯破砌驚鶴鳴孤宵淒鏗照客  
心魂夢祛煩囂任他隴頭水嗚咽暮還朝

唐權文公墓

長德元和溯典型衣冠此地閼泉局排奸並列陽城疏考  
行重繙韓子銘獨客來時春草綠善人死矣舊山青孤墳  
三尺文千古斗酒空酬相國靈

考昌黎墓誌云葬河南北  
邙山則此爲衣冠墓矣

憂旱三首

樹頭脛葉六月飛千山枯草青痕微烈風驅掃片雲盡百  
日一雨地不知二麥焦黃多晒死翻種晚秋難下籽市上  
無糧窖無水前村日落千山紫

前年霜災去年旱十室九家炊爨斷今年赤地千里餘兩

河州縣居其半私糧喫盡官糧蠲賣男鬻女真可憐米麥  
市斗價及千小口索值三百錢

炎風鼓扇民力瘡甫田無麥兼無禾其間補救藉人事吁  
嗟吏習沿頽波昨聞開倉借民穀今朝勘災飛報牘吁嗟  
今乃飛報牘村巷無人聞鬼哭

朱園山

洪鑪工烹然太乙鍛石骨吸噓純陽精突兀色赭赭誰將  
補天手融鍊互奇崛很谷摩空蟠元根截垠出赤殷霞車  
屯焦爛火劫斡頑然石一塊留此太古質翹瞻陋禿嶺爾  
卽炫積鐵剝蝕斑痕昏哈呀窵窵豁傲睨諸峯卑偃蹇避  
排撥巉崖帶清渭浩浩奔浮汨名山饒古澤直欲獄鎮匹

開鑿記鴻荒力與元功軋

仇池

單椒矗紫霄一幅畫屏展鳥道掛雲邊細逕窅百轉淩虛  
一線穿危磴滑春蘚三十六盤迴巨石塞絕巘蛇行出峯  
背異境開平行良田百頃餘井井畫疆吠子姓各成村籬  
落散雞犬上有小鹽池日用供黽勉陰洞有神魚陽巖多  
美蔞飽食而煖衣頗覺人事善此地卽桃源仙凡真不辨  
中有高隱人遺世甘蹇偃四面看碧山一琴兼一卷青壁  
孃飛梯白雲蟠廢棧蹇然空谷音福地恣留戀掃榻快題  
詩恐孤宿約踐九十九泉庵爲署雲窻扁

哀愚民效白傅體

武都漢巖疆廢縣治同谷居民雜氐羌種類非一族其俗  
本慆悍其風近枝鹿江山盤古棧一綫扼隴蜀黠寇並蠶  
曾負嵎時角逐歷代戎馬場兵火羅慘毒我朝百餘年  
雨露遍亭育邊垣奇險處比屋事耕讀千峯束犀牛江名村  
莊嵌巖腹山以蒟蘆名堡由譚氏築聚族多丁男橫經復  
抱犢兩三佻達子恃符被儒服簪鼓扇子弟異議起鄉塾  
識丁貽嘲譏呼癸甘耻辱奮臂爲大言惡少互排蹴聚嘯  
等綠林恫喝到親屬申申詈長官曷不折予獄有吏果舞  
法公然拆其屋米廩及水磨頃刻蕩平陸識比蚊睫交勢  
類蝸角觸那計伏禍胎只求快私欲長吏心蒼黃經營削  
報贖傳聞制府來官民兩殽觥可憐蚩蚩輩遠竄顛手足



妻孥大驚惶號咷怕鞭扑叢林灌莽間宵行晝仍伏朱符  
傳羽箭號令如火速不教無辜累但將首惡捉天網實恢  
恢詎漏三寸目昨如雉羅羅今如兔入籠白筆定三等罪  
狀窮考鞠檻車徵就道赭衣淚簌簌罪輕魑魅親罪重鬼  
伯促釀此者誰與我欲問司牧一官萬民寄一身萬民矚  
好惡背民情俯仰遞縮慝沉冤雪烏頭庶獄戒鼠角勿飲  
盜泉水更忌濕薪束居官昧此義那免覆公餗以之挂彈  
章庶幾警食肉予亦重白尤先事昧早燭同官諸君子從  
此願交勗官勤民守法官清民受福勵茲冰霜心勉繼卓  
魯躅秋山停征輶客緒糾輾轉遙睇鳳臺雲涼意滿花竹  
人家炊煙外蕭條見落木青鐙耿殘夢吟思了不續忍聽

風雨夕荒城新鬼哭

山行雜詩十二首

危嵐壁削上無梯  
淡靄疎林一抹齊  
雲外午雞啼不歇  
居人更在萬峯西

村落荒涼節候差  
土房多半槿籬遮  
山田高下鋪紅雪  
九月晚蕎纔吐花

風作秋聲雨作泥  
勞人旦晚重栖栖  
白頭老叟顧余笑  
荷鋤疏泉灌藥畦

一峯曲處一峯開  
阪滑霜濃馬力隤  
好鳥款人如舊識  
幽花背客笑重來

繆谷猓麇作怒號  
密林處處有山魈  
雲深寺隱聞清楚  
日

落山空見老樵

四山風來竹韻敲一鐙熹微隔柳梢楓林月落夜昏黑虎  
跡直與人跡交

碧峯高高高插雲峯腰出泉泉濤濤瓊嵐三尺鐫古篆枯

藤瘦絡蛟螭文

石闕堡道旁有碑鐫碧峯  
插雲四隸字筆力極古勁

棧細雲平控蜀都芙蓉幾瓣貼天孤杜鵑何苦抵死叫滄  
海月明淚已枯

潑眼溪山畫不成排空六六錦屏橫寒泉有脈穿林出老  
樹無根帶石生

水沒平橋路欲迷幾間荒驛近村西燈昏壁破僕夢魘月  
暗林深猿鬼啼

遙村陣陣送歸鴉  
雞黍殷勤野老家  
峯外殘陽溪上月  
水雲深處路三叉

一重一掩萬花香  
松翠飛泉撲面涼  
并翦若教裁半角  
移歸便壓午橋莊

九日宿同谷二首

斗大荒城裏秋聲滿  
竹林不知佳節到  
都爲客愁侵紅葉  
溪山好黃華風雨深感時  
嗟素鬢栢酒罷登臨  
去歲攜蠻榼登高上五泉  
今來同谷縣雨冷客窗前  
晴晦同今日悲歡判一年  
明秋在何處俯仰正淒然

飛龍峽杜工部草堂四首

開闢留奇境荒祠閱莽榛  
江山長不改千古一詩人風景

真清絕歌行尙斬新螭龍共遺卷冥冥有靈神

山南卽萬丈潭

有客來同谷衰年託轉蓬功名雙鬢外身世七歌中下土淹羣盜荒山走寓公荷鋤人不見秋壑起悲風

疾湍衝敗棧峯勢背西康落日號狻鬼孤村想鳳凰臺荒

靈武業松老贊公房

縣東三十里大雲寺卽贊公房舊刹

容易承平日籌車滿稻

梁

黃葉雙崖仄虛窓老樹支蘚紋纏石碣江影照花枝一瓣心香拜三秋夢雨吹才人嗟失職今古抱愁思

野廟

突兀三間屋陰廊瘞斷碑溪迴雙板闔院僻一松奇香火妖狐據靈風巫女爲豐年多報賽衰草紙錢吹

姜伯約墓

卯金無祿鼎將移，劒外孤提一旅師。  
義膽尙支殘漢局，忠魂不負武鄉知。  
錦城輿輓江山恨，鄴道投戈將士悲。  
鍾鄧斲成身亦死，英雄卽是報韓時。

萬年藤杖引

靈根倒插太古石，天神夜控蛟螭脊。  
益烈山澤逃焚厄，遺在寧遠山中萬丈之青壁。  
太陰瀕洞風雨愁，陵崢岸峭撐潛幽。  
此物不剛亦不柔，秉性勁直無與儔。  
其生也想鴻濛乍開之歲月，其成也得後天不老之春秋。  
盪以日月之光華，厲以雷霆之精銳。  
比松心筠節而彌堅，經石泐金寒而不敝。  
雲冥冥兮霜雪泠泠，山鬼夜哭猿父曉吟。  
泉穿貞蔓

月浸寒心眼看叢花灌木自生而自死不知悲條苦幹何  
古而何今一朝瞥落樵人手斷之爲杖曰靈壽銀角銅環  
製飾工苦文辭節根株黜靈物自壽兼壽人不然材不材  
間淪悶人間同敝帚余髮種種已如此終見容顏變醜  
登山臨水送將歸他年罨畫香溪梅花雪海蓮社相依真  
老友噫吁乎杖兮杖兮我不願汝然作太乙老人之青藜  
夜照校書天祿閣我不願汝隨夸父逐日而成鄧林混沌  
欲死金烏落我不願汝化爲葛陂之游龍乘仙靈兮馭天  
風我不願汝杖鄉杖國復杖朝伴彼龍鍾鶴髮逶迤進退  
之衰翁噫噉乎世途險阻何其多跬步五嶽森嵯峨危而  
不持顛不扶杖兮杖兮不如千秋萬歲老死荒山阿

南山寺雙柏行

有序

秦州南山寺佛堂前古柏二株夭矯輪囷梢雲翳日  
真數千年物故老相傳云杜老雜詩老樹空庭得卽  
此柏也爰爲作歌

一株童童若車蓋鬱蒼直與精靈會質鍊風霜古有心枝  
撐日月光無外一株臥地千尺強頽然偃蹇凌鴻荒神物  
見尾不見首空際一掉雲冥霧晦霹靂飛去蛟龍僵銅柯  
鐵榦勢參天此樹種在開元前仙李摧殘歲已千貞梨不  
受浩劫纏古刹突兀南山巔碧根亞抱寒翠連想見當年  
杜陵野老偃息吟嘯於其間麥積山頭千仞石柏子堆埋  
深一尺斲削寧登大匠門支離偃臥空王宅傍人見爾歎



遭逢終老荒山亦何益  
嗚呼終老荒山究何益  
千古萬古常抱淩霜傲雪不彫色

陸叔平寫生花卉十首

碧桃

七寶雕闌十樣箋  
瓊臺麗色冠春先生來  
本是蓬萊種貌帶穠華骨帶仙

山茶

恒沙劫外一枝芳  
照耀長依慧日光  
瓔珞寶珠真豔絕  
枉將色相証空王

素心蘭

碧湘寫影淡無痕  
泣露噉煙暮雨昏  
香味疎疎波湛湛  
靈

均猶有未招魂

杜鵑

繁豔根分閨苑中  
子規啼血灑芳叢  
鶴林賺出司花女  
放遍秦山躑躅紅

白荷花

月白風清水閣涼  
綃衣薄貼翠雲裳  
自憐花貌如冰雪  
強被旁人比六郎

牽牛

草頭秋冷露華零  
寂寂金風掩畫屏  
怨女不知銀漢遠  
錯從籬角認雙星

老少年

夢抵年華月抵愁無花偏占一庭秋  
嫦娥憐爾風情在也放清光照白頭

秋海棠

牆根秋雨浣芳塵紅粉淒魂泣素晨  
不悟前身爲情死幽窗又惹斷腸人

芙蓉

木末相思記歲華美人晚晚恨無家  
繁霜九月金塘路豔到秋深只此花

水仙

殘臘鄉園昔杜門冷泉手汲灌雲根  
此時對雪遙相憶  
斗江村月一痕

鄧尉山西村名  
癸斗柄土人多種水仙爲業

天池

春池渺無涯不知深幾仞赤日來中天黃金一點印清風  
偶披拂散作魚鱗陣岸花片片浮海燕雙雙趁荷青小貼  
錢苔綠亂翻鬢時逢撥刺聲尺鯉知充牣團餌試垂綸儻  
獲良友信或云此南溟鵬徙可驚震斂翼落扶搖浪比雪  
山峻聞說心悚然凝眸復重認惟見水盈盈下乃碧天襯  
由來是星河銀沙瑩且潤黃姑在何許我欲乘槎訊

登鹿玉山抵師子洞窺玉井歸紀以詩

素性好探奇不憚路艱梗愈險愈窮追往往造佳境有如  
觀異書初難晰要領苦心復孤詣乃覺味悠永可知讀與  
游心貴堅而猛昨登鹿玉山山徑細于縷盤旋入杳冥分

寸未敢騁黏衣碧蘚腥衝面白雲冷半日至上方一望極  
荒憬穿塞走渾河界天峙秦嶺手可攬垂虹足真淩倒影  
爰往窺幽洞石類獸延頸張口肆磨牙清泉從臆逞飛灑  
數千尺下注玉色井苔髮綠絲絲隨波梳始整地高風自  
涼林密鳥偏靜乾坤忽赭紅崦嵫銜半景曳策且言旋煙  
寺暝鐘打

玉壘關

一門開闔青雲裏天生阨要險莫比上揭巔岼萬仞之危  
巒下臨澎湃無垠之急水架橋飛渡人不知鼎足三分事  
去矣我來覽古暫停車日煖風柔感物華子規聲裏山凝  
黛開徧金釵石斛花

大雨夜度廣吳坡山行險絕抵落門聚憩宿

涼風吹客上崢嶸急雨衝輿挽率行絕壑亂泉穿有徑巖  
城宵柝濕無聲巡廊山鬼窺鐙笑當道楓人蹴馬驚泥滑  
夜昏忘路惡冷雲和夢不分明

寶山門人毛大瀛編校

靈巖山人詩集卷二十四